

10.3 YEAR 2011 KCPE EXAMINATION KISWAHILI LUGHA PAPER

THE KENYA NATIONAL EXAMINATIONS COUNCIL

KCPE 2011



KISWAHILI  
SEHEMU YA KWANZA:  
LUGHA  
SKILLS

Muda: Saa 1 dakika 40

MAAGIZO KWA WATAHINIWA  
SOMA KWA MAKINI MAAGIZO YAFUATAYO:

1. Umepewa kijitabu hiki cha maswali na karatasi ya kujibia. Kijitabu hiki kina maswali 50.
2. Ukisha chagua jibu lako lioneshe katika KARATASI YA MAJIBU na wala sio katika kijitabu hiki cha maswali.

JINSI YA KUTUMIA KARATASI YA MAJIBU

3. Tumia penseli ya kawaida.
4. Hakikisha ya kwamba umeandika yafuatayo katika karatasi ya majibu:  
**NAMBA YAKO YA MTIHANI**  
**JINA LAKO**  
**JINA LA SHULE YAKO**

5. Kwa kuchora kistari katika visanduku vyenye namba zinazokuhusu, onyesha namba yako kamili ya mtihani (yaani namba ya shule, na zile namba tatu za mtahiniwa) katika schemu iliyotengwa mwanzo wa karatasi ya majibu.
6. Usitie alama zozote nje ya visanduku.
7. Iweke safi karatasi yako ya majibu na usiikunje.
8. Kwa kila swali 1 – 50 umepewa majibu manne. Majibu hayo yameonyeshwa kwa herufi A, B, C, D. Ni jibu MOJA tu kati ya hayo manne ambalo ni sahihi. Chagua jibu hilo.
9. Kwenye karatasi ya majibu, jibu sahihi lioneshwe kwa kuchora kistari katika kisanduku chenyé herufi uliyochagua kuwa ndilo jibu.

Mfano:

Katika kijitabu cha maswali:

21. ‘Tunakimbiana’ maana yake ni:

- A. Tunaogopana
- B. Tunahepana
- C. Tunasaidiana
- D. Tunachukiana


Jibu sahihi ni B

Katika karatasi ya majibu:

- [1] [A] [B] [C] [D] [11] [A] [B] [C] [D] [21] [A] [B] [C] [D] [31] [A] [B] [C] [D] [41] [A] [B] [C] [D]

Katika visanduku vinavyoonyesha majibu ya swali namba 21, kisanduku chenyé herufi **B** ndicho kilichochorwa kistari.

10. Chora kistari chako vizuri. Kistari chako kiwe cheusi na kisijitokeze nje ya kisanduku.  
11. Kwa kila swali, chora kistari katika kisanduku **kimoja tu** kati ya visanduku vinne uliyopewa.



901504

Kijitabu hiki cha maswali kina kurasa 7 zilizopigwa chapa.

© The Kenya National Examinations Council, 2011



FUNGUA UKURASA

### Maswali 1 mpaka 15

Soma vifungu vifanayo. Vina nafasi 1 mpaka 15. Kwa kila nafasi umepewa majibu manne hapo. Chagua jibu jifadu zaidi kati ya yale uliyopewa.

Wakazi wa vitongoji duni 1 na matatizo mengi. Asilimia kubwa ya waja hapa 2 3 aila. 4, kufika mitaa ya mabwanyenye 5 na vitongoji hivi, hali ni tofauti; mafuruba yenyewe kuvutia yamepamba mazingira humo. Maisha ya makundi haya mawili 6. Wana wa matajiri hupata mahitaji 7 huku maskini 8 kwa ukosefu. Ama kwa kweli 9.

1. A. wametwaliwa      B. wamekabidhiwa      C. wametengwa      D. wametingwa
2. A. haiwezi      B. hawawezi      C. haziwezi      D. hamuwezi
3. A. kumkimu      B. kuzikimu      C. kujikimu      D. kuwakimu
4. A. Labda      B. Kwa hivyo      C. Hata hivyo      D. Ingawa
5. A. waliyopakana      B. iliyopakana      C. uliyopakana      D. yaliyopakana
6. A. yamebaidika kama ardhi na mbingu.      B. yameadimika kama wali wa daku.  
C. yameingia kati kama mchuzi wa ugali.      D. yamejikauzia kama ukuni.
7. A. zote      B. yote      C. nyote      D. sote
8. A. wakila mwata      B. wakila mwande      C. wakila yamini      D. wakila hasara
9. A. dua la kuku halimpati mwewe      B. bidii ya mja haiondoi kudura  
C. dau la mnyonge haliendi joshi      D. mtegemea nundu haachi kunona

Tina alijua kwamba alihitaji kutia bidii masomoni asije 10 shule. Kijijini mwao ilikuwa kawaida wasichana 11 nafasi katika elimu. Palipotokea uhaba 12 karo, masomo ya msichana 13 huku mvulana akiendelea na elimu. Mara hii Tina aliamua kutia bidii ili angaa Mwalimu Mkuu amtafutie mhisani 14. Kwa njia hii Tina 15 namna fulani ya kuliokoa tabaka lake.

10. A. akaachishwa      B. akaachiwa      C. akaachilia      D. akaachia
11. A. kunyanyaswa      B. kubadilishiwa      C. kudhulumiwa      D. kupunguzwa
12. A. ya      B. kwa      C. wa      D. na
13. A. yangekatizwa      B. yanakatizwa      C. yakikatizwa      D. yakakatizwa
14. A. ayathamini masomo yake      B. amthamini masomo yake  
C. amdhamini masomo yake      D. ayadhamini masomo yake
15. A. alitarajia alipata      B. alijihimu alipata      C. alijihimu kupata      D. alitarajia kupata

Kutoka swali la 16 mpaka 30, chagua jibu litilo sahihi.

16. Sentensi inayotengeneha sentensi: "Juma ni mzee. Juma anasoma kitabu bila miwani", kisahihii ni:
- Juma ni mzee maadamu anasoma kitabu bila miwani.
  - Juma anasoma kitabu bila miwani licha ya kuwa yeye ni mzee.
  - Juma ni mzee madhali anasoma kitabu bila miwani.
  - Juma anasoma kitabu bila miwani minghairi ya yeye ni mzee.
17. Ki katika sentensi; "Mwanafunzi huyo akikuona atatembea kijeshi", imetumiwa kuonyesha:
- Masharti, nomino.
  - Wakati, nomino.
  - Masharti, namna.
  - Wakati, namna.
18. Chagua neno ambalo limetumia silabi changamano:
- Mbuga.
  - Kituta.
  - Ziwa.
  - Utulivu.
19. Kamilisha, "Fahamikiana kama \_\_\_\_\_".
- sahani na kawa
  - kinu na mchi
  - pua na mdomo
  - tui na maziwa.
20. Chagua sentensi yenyen vivumishi:
- Mwashi amejenga nyumba juu ya mlima.
  - Yule aliimba vizuri mno akatuzwa
  - Nokoa atafika hapa hivi punde.
  - Wanafunzi wengi walifaulu mtihani huo.
21. Ni sentensi ipi ambayo imetumia 'kwa' kuonyesha sehemu ya kitu?
- Alitembea moja kwa moja hadi shulenii.
  - Wazee kwa vijana walihudhuria sherehe hiyo.
  - Watatu kwa kumi huepuka mitego.
  - Monika alipongezewa kwa wazazi wake.
22. Mkono wazi ni kwa ukarimu ilhali \_\_\_\_\_ ni kwa inda.
- jicho la nje
  - joka la mdimu
  - kifauongo
  - kisebusebu.
23. Chagua kifaa cha uhunzi
- fuawe
  - patasi
  - timazi
  - chetezo
24. Ni kundi lipi lenye sauti ghuna pekee?
- p, t, z
  - v, th, n
  - sh, l, w
  - b, d, g.
25. Wingi wa, "Kiduka hicho kilifunguliwa jana", ni:
- Maduka hizo zilifunguliwa jana.
  - Viduka hizo zilifunguliwa jana.
  - Viduka hivyo vilifunguliwa jana.
  - Maduka hayo yalifunguliwa jana.
26. Ni sentensi ipi sahihi?
- Hewala! Nitakusaidia.
  - Kefule! Naomba maji.
  - Oyee! Tumeshindwa.
  - Hamadi! Amekuja.
27. Miaka mia ni kwa karne ilhali vitu ishirini ni kwa \_\_\_\_\_
- kikwi
  - korija
  - mwongo
  - lukuki.
28. Chagua sentensi yenye kiwakilishi cha idadi:
- Mwanafunzi aliyefika kwanza alimpata mwalimu wa pili darasani.
  - Mwalimu aliyetufunza mwanzoni alituuliza swali moja mara mbili.
  - Mwalimu aliyetufunza mwanzoni alitufafanulia mambo kadha ya kutufaa.
  - Mwanafunzi aliyefika kwanza alipewa medali na wa pili akapewa kitabu.
29. Ni sentensi ipi ambayo imetumia sitiari?
- Mwakio ni sungura siku hizi.
  - Moyo wake ulimwambia asirudi nyuma.
  - Muugazi alisema atajifungua salama.
  - Nyaboke ni mpole kama njiva.
30. Ikiwa juzi ilikuwa Jumatatu, Jumamosi itakuwa:
- Kesho
  - Mtondo
  - Mtondogoo
  - Keshokutwa.

*Soma kifungu kifuatayo kisha ujibu maswali 31 – 40.*

Mfumo wa elizuri hini unatilia mkazo mafunzo mengine ambayo, japo yamo nje ya masomo ya kawaida, yanahusana na kwenda sambamba na masomo hayo ya kawaida. Vyama vya wanafunzi shulenii vinachangia pokubwa kuitisha mafunzo hayo ya ziada

Vyama vya wanafunzi hutofautiana kulingana na majukumu. Mathalani, vipo vyama vya kidini, vya kitaalima na vya michezo. Pia, kuna vyama vya kijamii kama vile Chama cha Kupambana na Matumizi Mabaya ya Dawa na vya kiuchumi kama vile Chama cha Wakulima Chipukizi.

Imedhihirika kwamba vyama vya wanafunzi vina **manufaa ya kuhusudiwa**. Hii ndiyo sababu shulenii, kila mwanafunzi anahimizwa kujinga na angaa vyama viwili. Vyama vya wanafunzi huwasaidia kukuza vipawa na kuimarisha stadi za kujieleza. Haya hufikiwa kuititia kwa shughuli za vyama kama vile ukariri wa mashairi, mijadala, utegaji na uteguaji vitendawili, chemsha bongo na ulumbi. Aidha, vyama hivi huihimiza utangamano mionganii mwa wanachama kwani wao hujiona kuwa watu wenye mwelekeo mmoja. Vilevile utangamano wa kitaifa na kimataifa hujengeka.

Mwanafunzi ambaye amejiunga na vyama vya wanafunzi huweza kukabiliana na changamoto za maisha kwa urahisi kuliko yule ambaye hajawahi kujinga na chama chochote. Katika vyama hivi, wanafunzi hufunzana mikakati na maarifa ya kutatua matatizo na mbinu za kuepuka mitego ya ujana. Kuititia kwa ushauri wa marika kwa mfano, mwanafunzi hushauriwa kuhusu masuala kama vile uteuzi wa marafiki, kuratibu muda, kujikubali na kuwakubali wenzake.

Hali kadhalika, mwanafunzi hujifunza maadili ya kijamii na kidini. Kuititia kwa vyama vya kidini na vinginevyo, yeche hujifunza kujistahi na kuwa na stahamala ya kidini, kitiakadi na kikabila. Kadhalika, majukumu ambayo mwanafunzi huenda akapewa hupalilia uwajibikaji, uaminifu na kipawa cha uongozi. Hata anapohitimu masomo yake, mwanafunzi huyu huendeleza sifa hizi.

Vijana wana nafasi kubwa katika kukabiliana na maovu ya kijamii kwani wao ndio wengi zaidi. Kuititia kwa vyama hivi, wanafunzi wanaweza kuwahamasisha wenzao dhidi ya tabia hasi kama vile kushiriki mapenzi kiholela, ulangizi wa dawa za kulevyo na kujiingiza katika burudani zisizofaa. Pia, shughuli na miradi ya vyama hivi huwawezesha wanafunzi kutumia nishati zao kwa njia ya kujinufaisha na kuepuka maovu. Kwa mfano, wanaweza kwenda kukwea milima, kufanya matembezi ya kukusanya pesa za kuwafadhili wahitaji, kuendeleza shughuli za kunadhifisha mazingira na kutembelea vituo vya mayatima na wazee.

Kushiriki katika vyama vya michezo hakumwezeshi mwanafunzi kuimarisha afya na kujenga misuli tu, bali pia huweza kuwa msingi wa kupata chanzo cha riziki baadaye. Wapo wachezaji maarufu ambao walitambua na kuiendezeza vipawa vyao kuititia kwa vyama vya aina hii, na hivi sasa wana uwezo wa kuyaendesha maisha yao na ya familia zao.

Ifahamike kuwa vyama vya wanafunzi vinapaswa kuwa msingi wa mshikamano na maridhiano. Visitumiwe kama vyombo vya kuwagawa wanafunzi kitabaka. Mwanafunzi hana budi kusawazisha muda anaotumia. Atenge muda wa shughuli za vyama na wa kudurusu masomo yake.

- 31.** Kulingana na kifungu, mwanafunzi akiwa shulenii:  
A. Hufunzwa mfumo sambamba, hufunzwa kuitisika mifunzo ya ziada  
B. Hujingana na vyama, hujifunza mfumo sambamba  
C. Hufunzwa mfumo sambamba, hufunzwa taaluma ya vyama  
D. Hujingana na vyama, hujifunza taaluma mbalimbali.
- 32.** Katika aya ya pili, wazo kuu analozungumzia mwandishi ni:  
A. Aina za vyama vya kijamii  
B. Majukumu ya vyama vya wanafunzi  
C. Aina za vyama vya wanafunzi  
D. Majukumu ya vyama vya kijamii.
- 33.** Chagua jibu lisilo sahihi kwa mujibu wa taarifa.  
A. Vyama vya wanafunzi huchangia kukuza ubunifu wa wanafunzi.  
B. Vyama vya wanafunzi huchangia kukuza uzalendo wa kimataifa.  
C. Vyama vya wanafunzi huwasaidia kuimarisha uzalendo na mahusiano mema.  
D. Vyama vya wanafunzi huwasaidia kuimarisha uhusiano na nchi nyingine.
- 34.** Kifungu kinaonyesha kuwa ushauri na uelekezaji:  
A. Humwezesha mwanafunzi kujithamini.  
B. Humsaidia mwanafunzi kupata marafiki.  
C. Humwandalia mwanafunzi mpangilio wa kazi.  
D. Humwondolea mwanafunzi mitego.
- 35.** Kwa mujibu wa taarifa, jibu linalodhahirisha maana ya methali, "Ukiona vyaelea vimeundwa," ni:  
A. Wanafunzi wakipewa nafasi ya uongozi huheshimu mielekeo ya wengine.  
B. Wanafunzi wakipewa nafasi ya uongozi hujistahiki na kustahimili wengine.  
C. Wanafunzi wakipewa nafasi ya uongozi huhimiza stahamala ya kidini baadaye.  
D. Wanafunzi wakipewa nafasi ya uongozi huwa wa kutegemewa baadaye.
- 36.** Kulingana na kifungu, vijana wanaweza kudhahirisha uwajibikaji katika jamii kuitia:  
A. Kuwapinga walangazi wa dawa za kulevyia na kuepuka burudani.  
B. Kufanya matembezi anuwai ya kukusanya pesa.  
C. Kushiriki katika miradi ya kuwaani wanyonge.  
D. Kuendeleza shughuli za kuhifadhi mazingira na kutembea milimani.
- 37.** Kifungu kimebainisha kuwa:  
A. Vijana ndio wanaoweza kushiriki mapenzi kiholela.  
B. Vijana wanaweza kutumiwa kama msingi wa kustawisha vituo vya wahitaji.  
C. Vijana wanaweza kutumiwa kama msingi wa kuadilisha jamii pana.  
D. Vijana ndio wanaoweza kukabiliana na matatizo ya kijamii.
- 38.** Chagua jibu sahihi kulingana na kifungu  
A. Michezo huweza kumjengea mtu jina na kumwimirisha kiuchumi.  
B. Wachezaji maarufu walianza kucheza walipojunga na vyama.  
C. Wachezaji maarufu walianza kugundua vipawa vyao walipojunga na vyama.  
D. Michezo huweza kumjengea mtu uwezo na kumwimirisha kiuchumi
- 39.** Maoni ya mwandishi katika aya ya mwisho ni kwamba:  
A. Vyama vya wanafunzi vinaweza kuvuruga usawa katika jamii.  
B. Vyama vya wanafunzi ndio msingi wa kumsaidia mwanafunzi kutumia muda wake darasani.  
C. Vyama vya wanafunzi vinaweza kuvuruga masomo katika darasa.  
D. Vyama vya wanafunzi ndio msingi wa kuimarisha umoja na maelewano katika jamii.
- 40.** Kulingana na kifungu, 'manufaa ya kuhusudiwa' ni:  
A. manufaa yanayowafaidi wengi  
B. manufaa yanayowavutia wengi  
C. manufaa yasiyosahaulika kwa urahisi  
D. manufaa yasiyopatikana kwa urahisi.

Soma kifungu kifuata na kisha ujibu maswali 41 mpaka 50.

Naikumbuka siko hiyo vizuri. Niliamka alfajiri mbichi tayari kuanza safari kutoka kijijini mwetu hadi Mji Mkuu. Hii ndio iliyokuwa inara yangu ya kwanza kuuzuru mji huu. Moyoni nilikuwa na bashasha isiyokuwa ya kawaida kwa sababu siko hiyo ningeona mji ambao sifa zake nilikuwa nikizisikia tu kutoka kwa wenzangu waliobahatika kuutembelea. Hamu ya kuona majengo maresu, barabara zilizosakifiwa, magari mengi, watu wa asili mbalimbali na mabustani ya starehe ilinigubika, nikawa sijifai kwa matumaini.

Nilitimbea hatua chache hadi kituo cha mabasi, nikapata daladala moja iliyotoza nauli nafuu, nikaiabiria mpaka mji uliokuwa pua na mdomo kutoka kitongojini mwetu. Hapo nitumainia kupata matwana ya kusafiria hadi Mji Mkuu. Kwenye stesheni kulikuwa na msongamano wa matwana na harakati za utingo waliokuwa waking'ang'ania abiria. Nikaingia katika matwana moja ilioitwa Upepo. Nilikuwa abiria wa kumi na mbili kuingia. Baada ya dakika tano hivi, gari liliaabiria, wote kumi na wanne. Tukang'oa nanga. Mandhari ya kupendeza yalijikunjua mbele yangu. Upepo mwanana kupitia dirishani, mpito wa kasi wa miti, mazigazi ....vyote vilishirikiana kunipumbaza kiasi cha kunisahaulisha kufunga mkanda wa usalama.

Baada ya robo saa utingo alidai nauli. Nikapeleka mkono kwa tahadhari kwenye **kibindo** changu ambamo nilikuwa nimezifutika hela za usafiri na masurufu. Nikatoa noti ya shilingi mia mbili na kumkabidhi utingo huku nikitarajia baki. Utingo alinikazia macho, akanyoosha mkono na kusema, "Mia zaidi?" Nikarudi tena kwenye kibindo, nikatoa noti mbili za shilingi hamsini na kumpa. Safari ikaendelea.

Tulipofika mji mdogo wa Pitia, matwana ilisimama. Utingo aliinama chini ya viti, akatoa vibao na kuviweka baina ya viti vya kawaida. Kisha akaanza kutangaza, "Wa Jiji na mia; mia hamsini", Abiria walioneekana kuwa wachovu kwa kungojea na kupigwa na mzizimo wa kipupwe walipigana vikumbo kuingia, huku utingo akiwaelekeza kwenye vile vibao. Viti viliviotengenezewa abiria watatu vikaishia kubeba abiria watano! Matwana nayo ikawa haina budi kustahimili uzito wa abiria ishirini na watatu. Tukawa tunabanana kweli kweli. Utingo naye alining'inia mlangoni, shati lake lapeperushwa na upepo. Nilipajaribu kulalamikia hali hii nilinyamazishwa hata na abiria wenzangu.

Gari likaanza mwendo tena huku likiendeshwa kwa kasi ya umeme. Abiria walikuwa wakizungumza sasa walinyamaza, kila mmoja roho i mkononi. Kimya cha kaburi kikatawala hadi pale utingo alipomwambia dereva, "Weka ngoma." Muziki ukahanikiza hewani kwa fujo. Baadhi ya abiria wakaanza kuyumbisha vichwa kwa kufuata mdundo wa muziki ambao ultishia kuvipasua viwambo vya masikio yangu.

Njiani tulikutana na walinda usalama ambao walitusimamisha. Utingo alishuka na kwenda chemba na mmojawapo wa hao maafisa, kisha akarudi huku kipaji chake kimenawiri kwa tabasamu. Akasema, "Nimempaka mafuta viganjani." Baadhi ya abiria walitikisa vichwa, wengine wakacheka kama kwamba wameona kinyago. Mimi nilibaki kuduwa tu. Gari liliongeza mwendo na baada ya muda mfupi tukafika kwenye mji mmoja ambao ulikuwa na majengo makubwa makubwa. Nikadhani tumefika Mji Mkuu. Nilipomuuliza abiria jirani aliniambia kuwa huu ulikuwa tu mji mkuu wa Jimbo la Buraha. Tukazidi kuyakunja masafa ya safari hii kwa kasi ya kuogofya huku dereva akitafuna majani aliyokuwa akiyatoa mfukoni mwa shati lake. Kadiri alivyoyatafuna ndivyo alivyozidisha kasi. Nikahisi kama gari linapaa juu angani. Nikataka kumwambia dereva jambo, lakini nikajiasa, "Ikiwa wengine wamenyamaza sembuse mimi?"

Baada ya kitambo kidogo mvua ilianza kunyesha. Kukawa na ukungu na utelezi barabarani. Abiria mmoja alimsihii dereva kupunguza mwendo. Haya hayakumgusa dereva mshipa. Aliongeza kasi kana kwamba hajasikia lolote. Gari lilifika kwenye kuruba, dereva akawa haoni vizuri. Ghafla nikasikia, "Kirrr..!" Kisha, "Mungu wangu!" Halafu, 'ngu!' **Kiza cha kaniki kikatanda.**

- 41.** Kulingana na kifungu:
- A. Wenzake Msimulizi waliwahi kupata fursa ya kuishi katika Mji Mkuu.
  - B. Barabara za Mji Mkuu hazina mashimo.
  - C. Mji Mkuu una majumba mengi mafuru.
  - D. Msimulizi ana mwao na hali ilivyo katika Mji Mkuu.
- 42.** Chagua jibu sahihi kuhusu vituo vya magari kwa mujibu wa aya ya pili:
- A. Wasafiri wengi kushindania nafasi
  - B. Magari mengi kushindania wasafiri
  - C. Misongamano mingi ya kutangazia wasafari
  - D. Shughuli nyingi za kunadia nafasi.
- 43.** Mazingira ya kuvutia yalimwathiri Msimulizi kwani:
- A. Aliduwaa na kujisahau.
  - B. Alifurahia upemo na kujisahau.
  - C. Alizubaa na kupuuza sheria za usafiri.
  - D. Alipumbaa na kipinga sheria za usafiri.
- 44.** Msimulizi alikuwa amehifadhi pesa katika:
- A. Mfuko mdogo ndani ya suruali.
  - B. Mfuko mdogo mbele ya suruali.
  - C. Mkunjo wa nguo iliyoshonwa kiunoni.
  - D. Mkunjo wa nguo uliofungwa kiunoni.
- 45.** Katika mji wa Pitia abiria walipigana vikumbo kuingia garini kwa sababu:
- A. Kulikuwa na uhaba wa magari.
  - B. Kulikuwa na uhaba wa viti.
  - C. Walikuwa wamechoka kungojea matwana Upemo.
  - D. Walikuwa wamepigwa na baridi na mvua.
- 46.** Kulingana na kifungu, ajali barabarani husababishwa na:
- A. ukosefu wa magari, kubeba abiria wengi.
  - B. kiburi cha madereva, kutozingatia maelekezo barabarani.
  - C. ukosefu wa mikanda ya usalama, madereva kutowajibika.
  - D. muziki wa kupasua viwambo, madereva kutoona vizuri.
- 47.** Msimulizi ni mkakamavu kwa vile:
- A. Alishutumu hali ya gari kubeba abiria kuliko kiasi.
  - B. Alishutumu hali ya shati na utingo kuning'inia nje.
  - C. Alinyamaza alipoona dereva akikaribia kuruba kwa kasi.
  - D. Alinyamaza alipoona utingo akienda chomba na afisa.
- 48.** Chagua jibu **lisilo sahihi** kulingana na kifungu:
- A. Abiria wengine waliufurahia muziki garini.
  - B. Ufisadi unawenza kusababisha ajali barabarani.
  - C. Abiria wanawenza kuzuia ajali barabarani.
  - D. Kuruba ndiyo iliyosababisha ajali garini.
- 49.** Ni mfuatano upi wa matukio ufaao kwa mujibu wa kifungu?
- A. Kucheza muziki, kukutana na polisi, kufikia kuruba, mvua kunyesha, kupata ajali
  - B. Kukutana na polisi, kuhonga, kucheza muziki, kufikia kuruba, kupata ajali
  - C. Kucheza muziki, kukutana na polisi, kuhonga, kufikia kuruba, kupata ajali.
  - D. Kukutana na polisi, gari kupaa juu, mvua kunyesha, kufikia kuruba, kupata ajali.
- 50.** ‘**Kiza cha kaniki kikatanda**’; kulingana na kifungu ina maana:
- A. Msimulizi akapoteza fahamu.
  - B. Msimulizi akapoteza uwezo wa kuona.
  - C. Kukawa na weusi mkubwa.
  - D. Kukawa na giza totoro.